

天一閣藏明代方志選刊續編

嘉靖豐乘（江西）

嘉靖武寧縣志（江西）

正德瑞州府志（江西）

天一閣藏明代方志選刊續編

四三

上海書店

豐乘目錄

紀一

邑紀

表五

星野表

疆域表

封爵表

官表

高表

山川志

園井

古蹟

公墓附

風俗志

營建志

城池

公廨

津渡

橋梁

食貨志

戶口
庸調

田畝
物產

賦稅

貢課

溝洫志

溝渠

堤防

陵港

學校志

書院

社學附

秩祀志

祠廟

寺觀附

藝文志

傳

職官列傳

人物列傳

隱逸傳

孝節傳

僊釋傳

右豐乘十卷豐之舊章倭載是已曰紀曰表曰志
曰傳體不同而同主于載故統之曰乘夫諸體昉
諸太史氏豐固邑爾曷昉焉是亦外史之所掌予

不敢忘也自外史之職廢而四方之政不足徵已
豐幸有先哲能世修之王順伯作豐水志宋事足
徵已李肖翁作續豐水志元事足徵已正統間熊
用學復作續志而

國初事足徵已由正統迄今百年餘矣政俗之升降
圖籍之登耗文物之繁殷非其舊矣不有續也后
曷稽焉乘之作不可已也貴方除服王侯天誥檄
修邑乘且致撫院胡公按院陳公及韓文宗公之
命予以鉛槧久荒三辭焉不獲廼罄其愚同諸文


學蒐輯舊章彙為豐乘書成宗侯晉甫實代之上
其牒于諸公僉命梓之而胡公加惠鼎言以弁諸
端顧惟體要失典辭采失工有大慚焉聊以志邑
之事則可笑若夫信今而傳后以俟大方君子云
嘉靖癸亥仲春之吉邑人李貴識


縣境圖





縣郭圖





豐稜卷之一

邑紀

芒芒禹跡畫爲九州孰開我豐炎漢之季爰稽
史謀代有沿革不有紀也曷從明之作邑紀
夏禹敷土淮海維揚州彭蠡既瀦篠簜既敷杗桷
喬土塗泥田下下賦下上錯

周武王受命亦爲九州東南曰揚州
始封泰伯五世孫章於吳都勾吳

景王九年楚令尹子蕩帥師伐吳師于豫章而次

于乾谿吳人敗其師於房鍾

豫章之名始見于此

景王十六年楚師還自徐吳人敗諸豫章獲五帥

敬王二年楚子為舟師以略吳疆越大夫胥犴勞

吳王於豫章之汭

敬王十二年秋楚蒙瓦伐吳師于豫章吳人見舟
于豫章而潛師于巢冬十一月吳軍楚師于豫
章敗之

敬王十四年蔡侯吳子唐侯伐楚舍舟于淮汭自
豫章與楚夾漢夫槩王以其屬五千先擊之楚

師亂吳師大敗之遂入郢

杜預以豫章為江北淮南地予考輿圖江

北淮南舊未有以豫章名者預特以去徐與淮漢大遠耳然楚竟長沙還自徐者歸師也見舟豫章者疑師也自豫章夾漢者師所出也則豫章固吳之勝地歟

元王三年越滅吳遂有全吳之地

顯王三十五年楚威王熊商敗越殺王無彊明年

盡取吳地故吳越并屬楚

秦始皇二十四年王翦滅楚虜負芻明年置九江郡

南昌隸焉

漢高帝初年誅羽割九江之西益淮南

漢書 卷之十一
十一年封皇子長為淮南王兄子濞為吳王二
國遂盡有揚州之地

景帝三年漢削吳之豫章郡濞遂連七國反將軍
周亞夫平之

武帝元封五年置揚州刺史領郡六豫章其一也
以南昌為治所

後漢獻帝建安十五年劉備表孫權為徐州牧次年
權分豫章為番陽分長沙為漢陽乃析南昌之
南境置富城縣治富水之西故名豐之為縣

此始

晉武帝大康元年移治豐水之西改曰豐城豐之得

名自此始

永平初年紫氣見于斗牛間獲寶劍

詳古蹟

穆帝昇平四年二月鳳凰將九雛于豐城

今苦竹為鳳舞

里稱桐岡

十一月鳳凰復見于豐城市群鳥隨之

元帝大興二年五月江西諸郡邑蝗民多饑

梁大同二年析豐城之東境置廣豐縣建治富水之

東合臨川西寧巴山五縣置巴山郡